



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXXVII.

urn:nbn:de:hbz:466:1-11453

sem, de Lippia, de Hoia, de Scowenborg, de Diepholt, comites & barones, & Henricum ducem de Brunſwico Tranſſylvanum de Grubenhagen, qui magna ſpe ingreſſus, quod ad poſſeſſionem aliquando antiqui, ut ferebat, domini, ducatus de Brunſwico, tantis collatis in unum armis, reduceretur. Sed tunc incommoda multa ſunt collata terris: Oppidum Sarſtede exuſtum, magnis licet viribus deſenſum. In terra Brunſuiccenſi multa eſt vaſtitaſ irrogata, & poterat eſſe maior, ſi unum omnes ſenſiſſent: Multa quoque exuſtiones in terra Gottingenſi: Nec aliud tanto molimine peractum eſt, quam ut rurales caſa per agros exurerentur, agri vaſtarentur, praeda abigerentur: Aliquot viciſſim captivi alternavere. Sed nihil tale prouenit, quod aquaret captum cum commilitonibus comitem de Weſtphalia, duobus fere annis tracto bello.

CAPVT XXXVII.

Annus erat octuageſimus quintus, cum graui inuicem odio, hinc dux Maximilianus, inde verò Flandriæ ſequirent: quibus erant ductores Iacobus de Remont, comes ſancti Pauli, & Philippus Deſquordes cum armatura ſua. Statim verò coeperunt eſſe Franci Flandrenſibus ſuſpecti, quod colloquium fouerent, alter cum Philippo de Raueneſteen, duci tum adherente, ex eo die, quo placita inter oratores regis conſtituta Flandrenſes non implerent: alius etiam, quod crimineretur ipſi duci verbum feciſſe. Itaque formidantes Flandriæ ne in manus ducis proderentur, paulatim ſe à Francis retraxere. Percrebuit rumor, quod in manus ducis iterum tradenda Brugenſis vrbs diceretur. Iterum tumultuatio grauis in ea conſurgit: noua in ſuſpectos cōcitatio: Nec Gandaui maior erat tranquillitas.

Cum

Cum enim multa foris experirentur aduersa, & Wilhelmus Rim, & Iohannes Capenolle cum manu valida contenderant Alostum: Interim Matthias Speiart exoritur, alius in Gandauo capitaneus, qui partibus ducalibus populum, cum abessent capita factionis, inclinauit: misitq; per fraudem nuncijs Alosto euocauit & Wilhelmum & Iohannem memoratos, specie magnæ rei, cui adesse oporteret, contrectandæ. Mox vincti trahuntur Gandauum. Wilhelmus cum Daniele quodam plectitur capite: Matthias à rege Franciæ, ad quem ibat orator, militari cingulo, ut esset auratus miles, decoratur. Mansit igitur Matthia procurante, diu cum filio pater. Cum iam indigneretur offensa vrbs, quod numerosior, quam cui posset obistere, dux esset intromissus, cæsis gladio qui ferocius sunt inuecti, cunctis videntibus, dux filium suum transtulit Bruxellas. Slusæ autem insula præfectos dux ipse destituit, cuncta in suâ transferens potestatem. Interim Wilhelmus de Arberg artis ingenio captus, supra Mosam Traiecti gladio caditur, quod episcopum Leodiensem occiderit, quod officialem eius oppresserit, quod ligam cum Francis duxerit. Omnia iam ex ducis sententia constituuntur, quod qui rebellionis conscij inuenerentur, si de aurei velleris ordine essent, per fratres, ceteri per leges punirentur. Innouatis Gandauilegislatoribus (ita vocant qui concilium publicum faciunt in oppidis, per singulos annos iussu principis renouati) multi sunt proscripti, multi in vinculis habiti. Hoc etiam statu, cum iam dux victor hostium videretur, in Leodienses quoque, qui quieturi non videbantur, inque oppidum sancti Trudonis, quæ placuere, constituit.